



Universitätsbibliothek Paderborn

**Theses Theologicae Quibus Examinantur Praeliminaria
Per quae Patres Societatis & alii conati fuerunt sese
excusare ab exhibitione suarum Sententiarum, ad quam
per contractum de Conferentia ineunda ...**

Huygens, Gommarus

Lovanii, [1685?]

Conclusio Secunda. Ex ipsis circumstantiis ostenditur quantâ temeritate
Patres in tertio suo præliminari exigant à Lovaniensibus quoddam
juramentum.

urn:nbn:de:hbz:466:1-40598

& concordia ineatur : si non satisfiat , *constantissime* (ut ibidem) edicunt se nolle doctrinæ suæ Articulos proponere. Concludo : ergo Patres nūquā serio voluerunt doctrinæ suæ Articulos proponere , sive præliminaribus , etiam omnibus , satisficeret , sive non satisficeret.

C O N C L U S I O S E C U N D A .

Ex ipsis circumstantiis ostenditur quantâ temeritate Patres in tertio suo præliminari exigant à Lovaniensibus quoddam juramentum.

Hactenus omnino cayimus , ne occasione præliminaris tertii quidpiam diceremus quod Patres vel in minimo posset offendere : nunc vero cum munus , in quo per divinam providentiam constituti sumus , cogat ut à nobis repellamus atras illas sive notas sive censuras , quibus de hærefi ad minus suspectos nos facere præsumunt Patres , decrevimus tantâ necessitate compulsi , innocentiam nostram coram toto mundo defendere , permissivè , ut aiunt , nos habendo ad offensam quam Patres verosimiliter accipient , dum primum ostendemus , quod Patres in hoc usurpent potestatem nullatenus sibi competentem : deinde quod exigant juramentum , quale Pontificum aut Episcoporum nemo hactenus exigit , illudve mutent ac mitigent pro libitu. Præterea quod frustrâ mundo persuadeant post quæstiones illas de gratia non superesse alias. Insuper quod deducere nos conentur ad quæstiones nūquā terminandas , quarum occasione explicantur tria nostra dogmata de gratia , & unâ ostenditur Molinistarum politica. Denique quod schisma redoleat , quosdam à sua communione velle excludere ; quia nolunt in materia Religionis jurare secundum formam à Patribus istis , id est , privatis personis præscriptam.

§. 1.

Expenditur circumstantia quis petat juramentum , de quo quæstio.

Per tertium præliminare , ut fidem nostram profiteamur , exigunt Patres illi quoddam juramentum , ubi ipsis , utpote personis privatis , nullo modo sive ordinariâ , sive delegatâ potestate , competit ista exigendi facultas.

Nunquid eodem jure quilibet alius poterit à quolibet simile juramentum , velut fidei professionem , exigere ? & hinc quæ turbatio? quam iustè enim hic illeve tales fidei professionem exiget , tam iustè aliis resistet : nil ergo perinde est paci & concordiae , quam per collationem intendebamus , inimicum ; quam quod Patres Jesuitæ & alii ad eorum exemplum sine ulla potestate ordinaria vel delegata , hunc illumne pro libitu , per ejusmodi juramenta inquietabunt , vexabuntque. An forte hâc in re major potestas competit Jesuitis quam aliis quibuscumque ? An ipsi minus connumérandi personis privatis quam aliis ? Unde illa nova authoritas ? A quo tempore in Ecclesia cœpit erigi istud Jesuitarum tribunal ? Unde nobis novi illi Judices fidei nostræ , neque à summis Pontificibus , neque ab Episcopis constituti ? Quid ? Quod illi majorem sibi videantur arrogare authoritatem , quam agnoscant in Episcopis ? Quibus prætendent esse illicitum audire doctrinam quæ in illorum Dioecesi traditur , ejusdem Articulos legere , excipere utriusque partis responsa ac replicas , denique testem agere omnium istorum , & pacis mediatorem , ne eo quidem fine , ut si ad concordiam ventum non fuerit , omnia ad S. Sedem transmittant ?

Noverint ergo Patres , quod neque illud neque aliud quodcumque juramentum ad ipsorum petitionem præstanto , agnoscemus inauditam illam privatorum hominum præsumptionem.

§. 2. *Expositio*

Expenditur circumstantia quid, examinanda quodnam juramentum petatur.

Juramentum quod veluti fidei professionem Patres exigunt, tale est, ut hactenus à nulla natione per Pontifices aut Episcopos petitum fuerit: non ab Italis, non ab Hispanis, non à Germanis, non à Gallis, &c. adeoque nunquam à Belgis, nisi hac unicâ occasione quâ Patres Jesuitæ, id est, homines privati censuerint illud à nobis extorquendum; ut vel hoc colore excusent, quod doctrinæ sue Atticulos exhibere detrectent, prout per contractum sèpius à nobis expressum polliciti fuerunt.

Juramentum quod à nobis præstari volunt, ut alia omittamus, extendunt ad omnia quæ ab anno 1641. congregatio generalis S. R. & universali inquisitionis damnavit, vel prohibuit, cum hac tamen limitatione occasione excludem vel similium Controversiarum, de gratia scilicet. Hanc limitationem in vafermis illis præliminaribus expressam reperimus, verum cuius nesciamus an casu, an studio ista limitatio sit addita, liceat nobis Patres istos interrogare, an ipsis minoris valeant condemnationes dictæ Inquisitionis in materia practica seu morali, quam in speculativa de gratia? Exempli causa, an minoris valeat condemnatio libri Guimini sui Amadei, Catechismi sui Chinensis, Diatriba Patris Esterix, & similium, quâlibet librorum quorundam tractantium de gratia? Sed forte hæc limitatio utilis creditur, ut Patribus licitum permaneat librorum suorum prohibitionem extenuare, dicens ex gr. prout non ita pridem in publica disputatione à quodam inter illos non parvæ notæ dictum est, prohibitionem sui libri esse factam ob præpotentem factionem Iansenistarum.

Notatum dignum est, non esse unum & idem juramentum quod Patres exigunt: aliud namque petierunt in præliminaribus, aliud in Thesibus postremis hac occasione editis, petituri, postquam anterioribus fuerit satisfactum, vicina aut centena alia si ipsis libuerit.

Dicent fortassis Patres se, quod juramentum attinet, forcè contentos illo quod in sola Gallia petitum fuit: verum, præterquam quod ipsis, utpote hominibus privatis, non magis competat potestas illud exigendi à Belgis quam ab Italis, Hispanis, Germanis &c. dicimus hoc pacto rursus turbatum iri illam pacem quam Ecclesiæ dedit Clemens IX. Accedunt & alia incommoda, quæ in quarto §. latius expendemus.

Patres infra mundo persuadent, quod si juramentum, quale in præliminaribus exegerunt, esset præstitum, non supereffent quæstiones quæ pacem & concordiam turbarent.

Anti-theistum, Apologizæ & Disputationis Theologicæ Author non uno loco conatur mundo persuadere, quod si præstiterimus juramentum, quale exigunt, nulla supererit nos inter & illos controversia. Verum, Patres, contrà dico, quod vel in sola materia gratiæ, de sensu scilicet ob quem quinque Propositiones dicuntur esse condemnatae, quarum plurimæ manebunt controversiæ: patebit id clarè ex tanta super hoc punto sententiæ multitudine quam sequenti §. ostendemus.

Deinde in Gallia præstitum fuit non juramentum illud quod in præliminari petitum (nam illud nullus unquam præstítit) sed aliud quoddam, quod etiam à nobis petitum, & tamen longe plures ibi pergitis excitare contentiones super materia gratiæ, quam ullibi locorum. Testes erunt, ut alios omittamus, Patres Oratorii, Benedictini Congregationis S. Mauri, Canonici Regulares S. Genovevæ &c.

Sed

Sed demus vobis contrà manifestam veritatem, quod quæstiones de gratia inde non au-
gerentur, verum etiam diminuerentur & sospitentur; nunquid vos inter & nos adhuc
manebunt quæstiones de regula morum, de fine, sive scopo humanæ vitæ & cuiuslibet
actionis nostræ, item de administratione Sacramenti Pœnitentiae, adeoque de infinitis
ferè conclusionibus practicis, quæ ex ipsis veluti principiis sunt consectariæ?

Nam si regula morum debeat esse lex æterna sive ipse Deus, ut nos dicimus; necesse est,
ut pæne innumera, quia fiunt contra legem æternam, nos dicamus esse illicita, quæ Molinistæ
censebunt licita, dum ipsis pro regula morum passim sufficit quævis opinio, quam
probabilem dicunt: nec refert quod eorum aliqui requirant, ut sit opinio probabilior,
quia secundum Apologistam, quod ex Anterioribus ejus Thesibus patet, *sua cuique opinio
est probabilior, aut verè probabilis non est.*

Non refert etiam, quod quidam illorum pro regula morum requirat, ut opinio sit sua:
nam unus eorum, quem permagni faciunt Molinistæ, docet quod *qui ex opinione prefor-
mata procedunt existimantes sibi licitum esse sequi opinionem alienam etiam minus probabilem, eo
ipso per reflexum judicium sequantur practicè propriam opinionem.* Ita GUILIBL. HERINX
p. 2. disp. 4. quæst. 3. num. 29. quotquot proinde contra propriam etiam opinionem
secuti fuerunt opiniones ab Alexandro VII. & Innocentio XI. condemnatas, aut alias
quorūcumque Casuistarum, secundum ista principia rectè egerint; qui tamen juxta
principia nostra in his omnibus, & infinitis aliis, hoc ipso peccant quo in ipsis agunt
contra legem æternam. Non foret ergo pax, et si cessarent quæstiones de gratia.

Præterea secundum nos, venialiter peccatur, quoties actio aliqua deliberatè exercita-
non refertur in Deum saltem virtualiter: mortaliter verò peccatur, etiam secundum nos,
dum Deus non est finis ultimus noster simpliciter sive ipsius agentis, id est, dum amore
cæteris ambris nostris prædominante-amatur creatura aliqua qualiscumque. In his vero
nullum peccatum agnoscunt illi, quibus sufficit Deum aliquoties in anno diligere; ut
proinde secundum ipsis, exceptâ aliquâ horulæ portione anni, aut si plus velint, cuiuslibet
mensis, vel si adhuc amplius, hebdomadæ cuiuslibet, liceat agere ex cupiditate.
(quod secundum nos semper est saltem veniale peccatum) & pro fine ultimo simpliciter,
id est, ipsius agentis, habere creaturam, quod censemus esse peccatum mortale. Frustra
proinde dicitur futura pax, si ultra non disputetur de gratia.

Quod administrationem Sacramenti Pœnitentiae attinet, quot clamoribus & perturba-
tionibus Belgium impleverunt Patres occasione Methodi remittendi & retinendi Peccata,
item occasione aliorum librorum, scriptorum aut sententiarum, quibus Lovanienses do-
cuerunt his illisve casibus absolutionem esse differendam.

Nihil ergo magis à veritate alienum, quam quod controversiæ Theologicæ nos inter &c
Patres istos, ubi juramentum quod exigunt praestitum fuerit, cessabunt.

Et sanè nimis frequenter antehac conquesti sunt hi Patres de perturbationibus, que
occasione materiarum jam allegatarum in Belgio ortæ sunt; quam ut modò illis credatur,
dum omnes controversias ad suum præliminare tertium revocant.

§. 4.

Examinatur finis ad quem itur per istas Patrum Machinationes.

Quod nos attinet, pacis causâ perlubenter abstinemus à rixosis quæstionibus de sensu-
ob quem quinque propositiones sunt condemnatae, hinc Lovanienses nun-
quam primi ejusmodi contentiones incipiunt; & quamvis à Molinistis provocati sèpius,
semper tamen quamdiu possunt ejusmodi contentiones declinant, prout & nos fecimus
toties

roties , non quia deest quod respondeamus , sed quia scimus S. Sedi ejusmodi contentiones displicere : sed cum silentium nostrum vix aliter quam heresis professionem Apologista nunc interpretetur , cogimur in questiones odiosissimas intrare : prius tamen Patres monendos censemus , quod si quemadmodum ipsi volunt , in viam illam contentiosam sequuti illos fuerimus ; veniendum erit ad questiones forte ante diem generalis judicij per nos non terminandas.

Nam ut omittam quod super hoc punto nullatenus conveniat inter Molinistas eorumque sequaces ab una parte , & Thomistas cum discipulis Aug. ab altera parte , nequidem ipsi Molinistae hic inter se consentiunt : siquidem plurimi eorum censent in ipsis quinque Propositionibus condemnatam esse doctrinam de necessitate gratiae per se efficacis ad quemlibet actum salutarem in hoc statu exercendum. *Quisquis gratiam efficacem* , inquit unus , ita necessariam existimas , ut sine ea opus bonum fieri , aut tentatio superari non possit , agnoscere te cum eodem (Jansenio) impiè , blasphemè , & hereticè sentire. Ita anno 1678. Pater DUFFY pro Molinistis adversus Lovaniensium sententias in urbem deputatus. Ejusdem sententiae videtur fuisse Theophilus Raynaudus & P. Annatus adhuc juvenis (quem Contensoius Molinistarum partium caput & Rectorem nominat) ambo siquidem existimarentur , quod Thomistae & Calvinistae hac in parte consentiant , quodque non nisi verbo tenus & penes loquendi modum discrepant : sicut proinde sensus Calvini , ita & Thomistarum in quinque Propositionibus secundum Authores istos dicitur esse condemnatus.

Alii contra , etiam Molinistae sentiunt Thomistarum doctrinam de necessitate gratiae per se efficacis non esse in quinque Propositionibus condemnatam : hos inter sunt Patres Jesuitae , qui hodie in collegio suo Lovaniensi Theologiam docent ; & hi quidem à P. Annato adhuc juvene recedendum statuunt , & potius accedendum ad illum jam senem : siquidem hic in suo opere quod vocat *La conduite de l'Eglise & du Roy octodecim discrimina* Thomistae inter & Calvinistas (quibus Jansenianos adjungit) accurate prosequitur : censet proinde Annatus senex quod ob octodecim rationes sensus in quinque Propositionibus condemnatus non sit Thomistarum de gratia per se efficaci. Quis ergo secundum hos Molinistas ille sensus Jansenii , ob quem quinque Propositiones sunt condemnatae ? Variant hic iterum : tres sensus innuit Annatus his verbis ; quem invenient Ianseniani inter Thomistas qui concedat ita necessarium consensum quem voluntas præbet motioni gratie quamdiu illa inheret , quomodo necessarius est amor beatificus , quandiu durat visio ? Quem invenient qui dixerit voluntatem divina gratia predeterminatam carere proxima ad dissentientiam potentia ? Quem dabunt qui distinctionem sensus compositi & divisæ sic interpretetur ut sensus sit voluntatem à Deo motam posse dissentire , quando illa motio abierit , & advenerit alia ?

Quidam Professorum Societ. qui etiam in Collegio Lovaniensi Theologiam docet , dicit in Jansenio condemnatum esse , quod delectationes victrices secundum quas operemur necesse sit , sint indeliberatae. Alius eorum etsi sepè rogatus ut exprimeret determinatè , ut aiunt , sensum condemnatum , nunquam auctor est eum exprimere.

Ex quibus licet concludere , si plures Molinistæ super hoc punto examinarentur , incertum esse , an sensum numerus non excederet numerum sentientium.

Neque soli Molinistæ , sed etiam defensores gratiae per se efficacis hic variant : alium namque assignare solent Thomistæ , alium Augustini Discipuli : & hi rursus , ut Lovani notissimum est , non omnes consentiunt.

Famosus ille Annatus dicit , usitatam esse dissidentium cognitionum pugnam in Janseniana Theologia : non omnis proinde sensus Jansenii poterit dici condemnatus. Alius contraria ejusdem Societ. Lovani Professor censet omnem Jansenii sensum proprium & legitimum in quinque Propositionibus esse damnatum.

Ex his omnibus perspicuum est , quod contentiones de sensu ab Autore intento ad quas

quas nos duceret , modò sequi vellemus , præliminare tertium , sint ejusmodi , ut meritò de illis pronuntiaretur , quod ante diem judicij non sint per nos terminandæ : cùm aliter de eo sentiant defensores gratiæ per se efficacis , aliter Molinistæ ; aliter hi , aliter isti Molinistæ , aliter Annatus juvenis , aliter Annatus senex ; aliter Thomistæ , aliter Augustini discipuli & postremorum aliter unus , aliter alius .

Quomodo proindè poterit super puncto adeò controverso nos inter & Patres Societ' convenire ? Nisi fortassis Apologista præsumat se inter centenas fortè sensum varietates posse infallibiliter aliquid certi definire , atque hoc pacto Lovanicisbus legem ponere , quod hunc determinatè sensum , quem ipse ex tam multis in favorem Molinisini sui eligere voluerit , oporteat ipsos amplexari , & veluti fidei Articulum , vi juramenti à se suisque extorti , constanter tenere ; & hoc rursus quomodo consistit cùm doctrina capitis Molinistarum Annati , qui non dubitavit afferere , usitatam esse dissidentium cogitationum pugnam in Janseniana Theologia ? An fortè Apologista censet quòd contradictorias assertiones Seles Apostolica proscripterit ? En ambages inextricabiles .

Non potest proindè , uti Patres existimant , vel existimare se fingunt , hâc viâ , quâ nos ducere volunt ad sensum ab Authore intentum perveniri ad unitatem & pacem , sed potius ad divisiones & quæstiones propemodum infinitas .

§. 5.

Explicatur Lovaniensem sententia de gratia , & una ostenditur quod non nisi crassissimo errore , aut fide pessimâ Lovanienses possint in materia gratiæ vocari in suspicionem heresios .

Tria sunt principalia dogmata nostra de gratia . Primum quod in hoc statu naturæ lapsæ ad singulos actus verè bonos ac salutares requiratur gratia per se efficax ; quodque omnis gratia Christi sit per se efficax , respectu alicujus saltem initialis boni motûs . Secundum , quod gratia in statu innocentiae Angelo & homini solum dederit posse perseverare si vellent , non vero ipsum velle & perseverare . Tertium , quod in hoc statu naturæ lapsæ certa aliqua gratia possit quemdam effectum non habere in hominibus obduratis , ita ut tales effectum habeat in illis , qui propter gratias interiores , vel gratuitam externam protectionem , sunt minus duri : Et similiter possit quemdam effectum non habere in peccatoribus , ita ut illum habeat in hominibus justis , qui per interiora dona Spiritus Sancti , ut loquitur S. Thomas , sunt magis mobiles à Spiritu S.

Claram est quod nullus possit vel suspicari , quod propter tertium dogma simus suspecti de sensu in quinque propositionibus condemnato .

Nec minus clarum est , quod propter secundum dogma non possimus de illo sensu esse suspecti : & tamen , quod stupendum , Apologista in anterioribus quibusdam Thesibus , istud mundo hactenus inauditum , ausus est in lucem protrudere . Sed quæ consequentiae species : *gratia in statu innocentiae Angelo & homini dedit posse perseverare , si vellent , non verè ipsum perseverare , ergo interiori gratia in statu naturæ lapsæ nunquam resistitur ?* Nam antecedens loquitur de statu innocentiae , & consequens , quod inde inferre vult , agit de statu naturæ lapsæ . Antecedens admittit in statu naturæ integræ omnem illam resistantiam gratiæ , quam Molinistarum maximus vellet admitti : consequens aperte negat interiori gratiæ unquam resisti : ut proinde consequentia , quam virtualiter prætendit Apologista , non habeat plus verisimilitudinis quam hæc : *in statu naturæ integræ interiori gratia non resistitur , ergo in statu naturæ lapsæ interiori gratia non resistitur .*

Tædet evidentissimis istis falsitatibus refellendis diutius inhærente . Supereft ut ostendamus :

mus, propter primum dogma nonnisi ex errore crassissimo, aut fide pessimâ posse nos in suspicionem hæresis vocari. Nam secundum nos libertas in eo consistit, quod voluntas ex advertentia rationis semetipsam determinet ad agendum, quodque, quò major est advertentia rationis, majorque voluntatis semetipsam moventis determinatio, eò major sit libertas; adeòque ubi Deus magis illuminat, magisque voluntatem movet ut se determinet, major rursus sit libertas.

Hinc dicimus, Deo per omnipotentiam suam supernaturaliter, efficaciter & immediate voluntatem, ut voluntas est, movente ad bonum, nullatenus libertatem lœdi, sed potius roborari. Consonant Thomistæ, nam THOMAS LEMOS lib. 4. parte 2. tract. 4. c. 12. num. 144. sic ait: *Est auxilium tale, quod ut venit à Deo, independenter ab humana & media præscientia veras tribuit animæ vires, verèque efficit vi & energiâ suâ, ut arbitrium eidem infallibiter præbent assensum, ita ut per talem efficaciam gratia sue potenter atque suaviter sibi subdat arbitrium, & atriū, verè & propriè sibi faciat consentire.* Consentient PP. Prædicatores anno 1668. 25. Aprilis Lovaniï Congregati in Capitulo Provinciali, quorum haec sunt verba: *Gratia divina omnem suam efficaciam habet ab omnipotentiâ Dei....facit ut faciamus, præbendo vires efficacissimas voluntati, agit in cordibus hominum motum voluntatis eorum, reluctantibus studium virtutis immittit per subministrationem spiritus, & operatur in nobis bonas etiam voluntates, immutat, inflebit, inclinat, convertit cor durum quod placet.* Similiter loquitur Eustius in 2. dist. 25. §. 2. ubi tanquam verissimam & sincerissimam amplectitur eorum sententiam qui gratiam efficacem constituunt in gratuita ac benigna Dei operatione, qua proprie in libero hominis arbitrio operatur ipsam conversionem seu alium quemcumque actum vere pieatis, scilicet ipsum pietatis motum efficienter attingendo, *hoc est voluntatem ipsam applicando & determinando ad volendum & eligendum.*

Vident hinc Patres quod Thomistæ in hoc statu naturæ lapsæ non minorem efficaciam tribuant gratiæ, quam nos: adeòque nos saltem non magis posse culpari quam Thomistæ: nisi forte, quod ineptissimum est, dicant nos potius quam Thomistas culpandos esse, quod minorem efficaciam, etiam in hoc statu naturæ lapsæ, gratiæ concedamus, quam Thomistæ: & quamvis hoc modo ineptire vellent, non possent equidem; dum cum Thomistis admittimus Deo per suam omnipotentiam supernaturaliter, efficaciter & immediate voluntatem, ut voluntas est, movente ad bonum, nullatenus libertatem lœdi sed potius roborari.

Neque in hoc dissidentius à Majoribus nostris, qui ejusmodi efficaciam non uno loco tribuunt gratiæ naturæ lapsæ in sua Censura & Justificatione ejus.

Ex his omnibus clarum est, quod nonnisi errore crassissimo aut fide pessimâ nos potius quam Thomistæ possimus ob doctrinam de efficacia gratiæ in hoc statu naturæ lapsæ vocari in suspicionem hæresis.

Sed nec Thomistis posse imputari illam calumniam restari potest tota Ecclesia, quæ illos habet, prout sunt, viros verè Catholicos. Testantur Paulus V. Clemens VIII. Innoc. X. fatetur Annatus senex, consentient PP. Jesuitæ Lovanienses: ex quibus omnibus confidimus hoc argumentum: Thomistæ non possunt vocari in suspicionem hæresis ob doctrinam suam de gratia per se efficaci; ergo neque Lovanienses. Antecedens ex dictis debet haberi certissimum; consequentia, ut rursus ex dictis patet, est omnino evidens. Utraque antecedens scilicet & consequentiam, vide latius probata in Thesi quarta Historico-theologica Collegiæ nostri Exim. D. J. LIBERTI HENNEBEL, adversus quam Apologista noster non respondit; qui alias quamdiu aliquid vel apparens allegare potest, non solet tacere.

Ex his manifestum est, quod Patres non possint nos titulo doctrinæ nostræ de gratia per se efficaci de hæresi suspectos reddere, nisi errore crassissimo aut fide pessimâ, potissimum postquam

quam dubitare amplius non possunt , quin Censura Lovaniensis jussu Innocentii XI. fuerit examinata, atque ab aſſeffore S. Officii deputatis nostris intumatum doctrinam dictæ Cenſuræ posse teneri & doceri sine offensa S. Sedis.

§. 6.

Multitudo opinionum de sensu ab Authore intento mirè servit Molinistis , ut inſtendo ſententia ſua de uſu probabilitum , nunc hos , nunc illos de hæreſi accuſent aut ſuſpectos faciant , prout ſuis fuorunque commodis magis utile eſt.

Nihil est familiarius probabilitatum patronis , quam nunc hanc , nunc illam, etiam priori oppofitam ſententiam probabilem ad praxim deducere , prout ſibi aus ſuis magis faveſt : hinc certè , vel aliqua ratione politicā , aut forte ex utroque , factum videtur , quod Molinistæ quandōque Thomistas omnes ob doctrinam de gratia efficaci in hæreſis ſuſpicionem adduxerint , ut fecerunt Raynaudus & Annatus adhuc juuenis. Aliquando cum Thomiftis etiam Lovaniensēs , & omnes omnino defenſores gratiæ per ſe efficacis , accuſant ; uti vidimus non ita pridem in Thesibus P. DUFFY , Molinistarum ad urbem deputati. Alias non Thomiftas Italos , Hispanos , Gallos &c. ſed ſolos Thomiftas Belgas , cum alii Belgis etiam defenſoribus gratiæ per ſe efficacis traducunt. Nam in ſuo memoriali , Madriti Catholicæ ſuæ Majestati exhibito ſic aiunt : *Multa ſunt in Belgio Religiones qua à Iansenismo ſe intactas conſervant: utinam idem de Premonstratentibus S. Norberti affrare liceret ! nota eſt omnibus infecțio-majoris partis iſtiusmodi Monasteriorum inſtituti , quodque illa ab ipſa hujuſ nova doctrina origine , eidem maximè inhaſerint. Bonum ingens Religionibus S. Augustini & Dominicī in dicta Patria precatur , qui eas omni ſpe promotionis ad ſtrictam facultatem deſtitutas exopeat: hujuſ rei rationes ſupra deduximus his ſcilicet verbiſ utriue iſti familiæ valde injuriouſi : quia in iſtis duabus ſacris familiis vix datur grandioris nota Theologus , qui ad ſtrictam illam Facultatem vota non dirigat.... hinc provenit vix aliquem alicujus nota virum in universo Belgio reperiri , qui ſe Anti-janseniam proſteri auſit. Capucinorum Belgicorum Religio manifeſtè in duas factiones diuiditur , unam Iansenistarum , quam juniores , alteram Anti-jansenistarum quam ſeniores conſtituant. Nec ab hoc contagio ordo Carmelitarum diſceſtorum purus exiſtit. Contagiosa hæc pefi ſe maximè in clero ſeculari graffatur..... nec ulli mar- gis quam inter clericos Oratorii.*

Subinde , omissis Thomiftis , ſolos Lovanienses ſuſpectos reddunt. Alias ex Lovaniensis unum alterumve , ſicut ex Thomiftis ſpecialiter accuſarunt THOMAS LEMOS. Ita nimirū expedit commodis ipſorum , ut alii uno , alii alio tempore , alii uno loco , alii alio loco ſint de hæreſi ſuſpecti. Favet probabilitatis inventum , quia juxta ſententiam Annati juuenis , adeoque probabilem (nam probus & doctus habebatur) omnes Thomiftæ ſunt condenmati in quinque propositionibus juxta ſenſum ab Authore intentuum. Secundum ſententiam rurſus Annati juuenis , plurimumque aliorum Molinistarum , & for- tassis omnium (quamquam id dicere non audeant) condenmati ſunt veluti hæretici , aut faltem de hæreſi ſuſpecti , omnes defenſores gratiæ per ſe efficacis , atque ita omnes Theologi Belge antè expreſſi : & quamvis etiam Itali , Hispani &c. accuſari potuiffent , ta- men Molinistarum ſcopo (qui erat omnes illos à Collegio ſtrictæ Facultatis Theologicae Lovaniensis excludere) ſufficiebat pro illa vice accuſare ſolos Belgas.

Ex simili probabilitate & politica accuſandi ſunt subinde ſoli Lovanienses , quaſi illi de gratiæ efficacia rigidiuſ quam Thomiftæ ſentirent : ſubinde accuſandi videntur Lovaniensium aliqui , quos præ caeteris ab aliquibus muniis volunt eſſe exclusos : aut Thomiftarum aliquis , cuius ſcripta ſibi magis ſunt inviſa : non quod illi rigidiuſ rurſus de effi- caci.

cacia gratiae sentiant, quam alii; quos pro illa vice non accusant; sed quia ipsorum authoritas Molinistis magis est nociva; quos proinde expedit, veluti si singulariter de gratiae efficacia sentirent, speciali nota afficeret, et si sciantur hac in parte praे aliis nil sentire.

Et his quidem modis non soli popello sed & viris Principibus imponitur, dum ob doctrinam de gratia per se efficaci, nunc hic, nunc ille, nunc plures, nunc pauciores titulo Jansenistæ velut hæretici traducuntur, quod vel maximè faciunt hoc tempore, quo alia, quibus se sustentent, fulcrum deficiunt.

Non miretur proinde Lector, quod Patres tanto molimine, per fas & nefas, nos trahere conentur ad suas tricas ac tergiversationes de sensu ab Authore intento, quandoquidem hæc viæ pervenire valeant ad omnia quæ volunt.

§. 7.

Respondetur objectionibus, quibus Apologista contendit justè per tertium præliminare peti juramentum, cuius antè mentionem fecimus.

IN Concil. Chalcedonensi, inquit Apologista, Theodoretus jussus est Anathematizare Nestorium. Præterea mandato Leonis Papæ, Pelagiani adversus ipsum Pelagium profiteri coacti sunt, ut ait, decreta Synodalia, quæ Sedes Apostolica confirmavit; ita quidem ut Pelagiani jussi fuerint etiam ipsos Authores errorum condemnare. Et hæc quidem allegantur, ut hinc probetur quod per præliminare tertium, non Concilium aliquod, aut summus Pontifex, vel Episcopus quispiam; sed Prædicti Patres jure à nobis exigant juramentum de quo quæstio.

His respondeo: Quæ de Pelagianis dicuntur, nos omnino admittere: Quæ autem de Theodoreto per ipsum Concilium coacto, nos hoc loco supponere potius velle, quam examinare. Quibus præmissis, dico eos, qui ejusmodi sive juramenta sive condemnationem adversus ipsas Personas exigeant, certos fuisse quis esset sensus doctrinæ, ob quem persona condemnabatur: In nostro verò casu Molinistæ, qui juramentum à nobis exigunt, ignorant quis sit sensus, ob quem quinque propositiones sint condemnatae ut manifestum est ex §. 4. hujus Conclusionis.

Deinde qui adversus Nestorium & Pelagium juramentum præstare cogebantur, vel sciebant, vel ab iis, à quibus cogebantur, scire poterant, quis determinatè foret sensus istius doctrinæ: Nos verò nec scimus, nec à Molinistis scire possumus, quis determinatè fit ille quinque propositionum sensus, ob quem sunt condemnatae.

Quæ de Concilio & Leone, professionem exigentibus, item quæ de Theodoreto & Pelagianis juramentum præstitoris diximus, ostendit etiam ipsa ratio, tam illa quæ se tenet ex parte exigentium, quam quæ se tenet ex parte jurantium.

Præter hęc, justissimè fuerunt rationes, ob quas ejusmodi fidei professions exigerent subinde quedam Concilia; prout etiam, ob quas à Pelagianis postularet Leo Papa: Nulla verò est, ob quam juramentum, de quo quæstio, à nobis extorqueant Patres, quod mox §. 8. ostendemus.

Denique Concilia & Pontifices habent autoritatem legitimam, ut subditos suos ad certam fidei professionem, dum subest justa ratio, adigant: Patribus verò deest ejusmodi authoritas, quare temerè usurpat potestatem sibi nullatenus competentem; & majori zemeritate sibi non obsequentes à sua communione excludere presumunt; imò istud quandam schismatis speciem præ se fert, prout §. ultimo latius sumus ostensuri.

§. 8. Nulla

Nulla est causa exigendi à nobis juramentum quale petunt Patres

Historia & ratio probant, non esse fidei quasdam professions speciales exigendas à certis personis, nisi specialiter suspectis, vel quod speciali præcautione aduersus illas opus sit: Jam verò nihil illorum locum habet in Lovaniensibus.

Primo quidem, quia doctrinam suam de Prædestinatione & gratia sponte obtulerunt Alexandro VII. Eandem sponte rursus sibi oblatam examinari jussit Innocentius XI. & peracto examine Deputatis nostris, qui tunc in urbe erant, ab Assessore S. Officii responsum est, dictæ Censuræ doctrinam sine S. Sedis offensa à nobis teneri posse & doceri. Notorium verò est, quod non aliam ob causam, quam ob doctrinam nostram de Prædestinatione & gratia in Censura comprehensam possimus circa quinque Propositiones esse suspecti. Et ob hanc rationem juramentum, quod in tertio præliminari exi-gunt Patres, vel aliud brevius, quod Gallicanum vocant, minus nobis, quam Italis, Hispanis, Germanis, &c. injungendum est.

Secunda ratio est, quia evidens est quod circà efficaciam gratiæ non possimus nos, saltem magis esse suspecti quam Thomistæ, qui in nulla orbis parte, solâ Galliâ exceptâ, quidpiam vel affine jurare compulsi sunt.

Tertiò, quia Lovanienses habent juramentum, quo abunde cavetur, ne in materia gratiæ teneant ullum sensum ab Ecclesia damnatum: nec refert, quod Apologista ausus fuerit dicere: *Non placet nobis formula juramenti, quam prescribit Facultas Theologica*; sufficit namque quod placere illis debeat. Debet verò illis placere, quando placet Summis Pontificibus. Nisi forte isti Patres sibi audeant arrogare plus prudentiæ, vigilantiæ, circum-spectionis &c. quam competit Pontificibus Summis.

Schisma redoleat, quod privati velint aliquos de heresi suspectos reddere, & à sua communione excludere, quia ad ipsorum petitionem nolunt hoc illudire juramentum, veluti fidei professionem, prestare.

Indubitatum est quod Patres Jesuitæ, cum quibus nobis est quæstio, non sint nisi pri-vatè personæ: nihilominus audent illi nos, quod ex nupera Apologia patet, si non apertè hereticos, de heresi ad minus suspectos toti mundo proclamare.

Deinde profitentur in dicta Apologia & disputatione Théol. pro eadem, se nullam nobiscum velle habere communicationem.

Causam allegant, quod juramentum, in tertio præliminari ab illis præscriptum, præstare nolimus. *Si quis, inquit in Apol. p. 5. tergiversetur (præstare scilicet juramentum ab ipsis præscriptum) de illo jure meritissimo dicitur, ut dictum de Theodoreto, ille Hereticus est, ille Iansenianus est.* Et pag. 3. ibid. *hoc nisi factum fuerit, neque oppugnare libet quos proposuitis Articulos &c. neque ullam vobiscum habere COMMUNICATIONEM.* Insignis certè obedientia erga constitutionem Innocentii XI.

His præmissis non difficulter ostenditur, quod, ut mitissimè loquamur, ejusmodi illorum dicta schisma redoleant.

Viximus semper in communione cum Pontificibus Romanis, etiam cum Alexandro VII. qui relicto Facultati Theologicæ juramento, quod ab ipsâ adhuc hodie exigitur, numquam eam adegit ad præstandum illud, quod à Patribus imponitur.

Viximus

Vivimus etiamnum, quod toti mundo manifestum est, in communione cum SS. D. N. Innocentio XI. ad quem Facultas Theologica Lovaniensis nuper Deputatos suos (quorum unus Exim. Vir FRANCISCUS VAN VIANE) ablegavit eo successu, ut inter doctrinæ ejus Articulos, quos sponte S. Sedis examini subiecit, ne unus quidem post iteratam illorum discussionem sit proscriptus: Alterius verò partis ad Lovaniensem instantiam condemnati sint sexaginta & quinque.

Præter hæc, quod ad hanc rem maximè facit, doctrina de prædestinatione & gratiâ in Censura Lovaniensi tradita, judicata est posse teneri & doceri sine offensa S. Sedis. Post hæc Deputati nostri cum paterna benedictione à sua Sanctitate in pace sunt dimissi. In qua etiamnum manemus, & Deo dante æternum sumus mansuri.

Sumus etiam in communione cum Illustrissimo D. Archiepiscopo nostro Mechliniensi, cui doctrinæ nostræ Articulos libentissimè exhibuimus.

Forrò ut nos cum Archi-episcopo nostro, ita ille cum Pontifice Rom. communionem fovet: nec alio fine Illustrissimus noster Archiepiscopus voluit coram se institui Collationem super sententiis nos inter & Patres controversis, quam ut si ad concordiam ventum non fuisset, missis ad S. Sedem actis, ultima illinc exspectaretur decisio.

Ex quibus omnibus facilè est colligere, quod sicut nos cum Archiepiscopo nostro & Pontifice Romano communionem habemus; ita quoque habeamus cum illis, cum quibus illi, id est, cum omnibus Episcopis orbis Catholicæ.

Necessum proindè est, ut qui se separant à communione nostrâ, separant se etiam à communione Archiepiscopi nostri, Pontificis Romani, & omnium Episcoporum Ecclesiæ Catholicæ.

Et specialiter necessarium est, ut qui idèo à sua communione nos exclusos volunt, quia ad ipsorum petitionem nolumus præstare juramentum in tertio præliminari ab ipsis præscriptum, eodem titulo suum quoque Archiepiscopum, quia præliminare istud cum reliquis rei- ciendum statuit, à sua communione excludant. Maxime postquam dicti Patres Illustrissimo Domino nostro legem, cui non obedivit, posuere his verbis: *Hoc præstet Illustrissimus Archiepiscops, vosque eò deducat, ut solemni illâ Prefatione fidei discernatis vos &c.*

E P I L O G V S.

Primâ harum Thesum Conclusione scopum quatuor præliminarium per totidem §§. deteximus, ostendendo quodlibet illorum esse tale, ut, sive illis satisfactum fuerit, sive non, numquam eo venietur, ut quod nimium horrent Patres, tradant doctrinæ suæ Articulos.

Secundâ Conclusione ostendimus audaciam dictorum Patrum, qui sine ulla authoritate ordinaria aut delegata præsumperunt nobis in tertio suo præliminari imponere juramentum, veluti fidei professionem, quale Pontificum aut Episcoporum nullus ulli nationi haec tenus imposuit; falsò persuadentes hominibus imperitis, quod, eo præstito, pax erit & concordia: quandoquidem adhuc permanebunt disputationes summi momenti de regula morum, de scapo humanæ vitæ, & cuiuslibet actionis humanæ, item de administratione Sacramenti Pœnitentiae. Deinde per præliminare tertium cogunt nos per viam contentiosissimam intrare in quæstiones de gratia, ante diem judicij per nos non finiendas: atque inter hæc errore crassissimo aut fide pessima Theolgos Lovanienses de hæresi suspectos faciunt, quâ in re mire illis servit inventum suum de usu probabilium, suaque politica, uno tempore hos, alio istos, hic quosdam, alibi alios, nunc plures nunc pauciores de hæresi accusando. Idque per argumenta nullius ponderis; & in præsenti quidem eo titulo nos accusant, quia nolumus præstare antedictum juramentum, cum sine ulla causa justa à Patribus peratur, quo non obstante per Apologistam suum palam profitentur, se ultra nolle habere communiationem nobiscum, qui tamen cum Sede Apostolica, Archiepiscopo nostro, & omnibus Episcopis Catholicis communionem habemus & favemus.

Colligat hinc Lector quâ fide isti Patres pergent mundo persuadere, quod sincerè velint desideratam collationem instituere, modò illorum præliminaribus, & præcipue tertio, satis factum fuerit.

F I N I S.